

آبونه شرائطی

ممالك عثمانیه ده سنه لکی (۶۵) ، الق
آیلغی (۳۵) غروشدور .
ممالك اجنبیه ده سنه لکی (۱۷) ، الق
آیلغی (۹) قزانقدور .

اداره خانه

باب عالی چاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدلمین یازیلر اعاده
اولونماز .

الدوره

۱۳۳۰ ۱۳۳۱ ۱۳۳۲ ۱۳۳۳

دینی، فلسفی، علمی، ادبی، هفته لک مجموعه اسلامیه در.

والله یهدی من یشاء الی صراط مستقیم

صاحب و مدیر مسئول: ح. اشرف ادیب

اتبعون اهدکم سبیل الرشاد

عدد ۳۵۳

۸ شعبان ۱۳۳۲

پنجشنبه

۱۹ خزیران ۱۳۳۰

جلد ۱۲

اخطارات

رساله خردن آندینغی کوسترلمک شرطیلله
بتون یازیلری هرهانکی برغزته طرفندن،
اقتباس اولونه بیلیر .

§

مکتوبلرک، امضالرک واضح و اقونلاق
اولمسی و آبونه صره نومروسو محتوی
بولونمسی لازمندور .

§

ممالك اجنبیه ایچسون آبونه اولانلرک
آدرسارینک قرالسزجه ده یازلمسی رجا
اولنور .

§

پاره کوتدرلدیکی زمان نه یه دائر اولدینک
واضحاً بیلدیرلمسی رجا اولنور

آفریقانک شمال ساحلرنده جهاد اسلام

سنوسی حضرت تبریک جواب شرماتی

طرابلس جهتدن بر آزیلروله میه موثق اوله بیلن ایتالیانلر بنغازی طرفلرنده بوپوک برعجر وقتور ایچنده چیرینوب طور بورلر ، آنجق برقاچ کیلو مترو قدر ساحلری طوته بیلشیر ، ایلری به طوعری بر آدیم آنه نك امکاتی بوله میورلر . حدودی بر بارچه تجاوز ایدر ایتر ، مجاهدین اسلامیه بیلدیرم کی بیلرینه اصابت ایدرک اردولرخی پریشان ، مهماتلرخی اغتنام ایدورلر . ایکی ، اوچ سندهن بری محو اولان ایتالیان عسکرلری یوز بیکره بالغ اولدی ، صرف اولونان پاره لر میلیارلری آشدی . جانجه ، مانجه اولان بو قدر فداکارانه قارشی محرومیتدن ، اضحلالدن باشقه برشی قازانه میه جقلرخی آکلایان ایتالیانلر صوک زمانلرده باشقه طریقلره ، مکر و خدعه یوللرینه صایدیلر . زورقله تحت اسارت آله مدقلری مجاهدین اسلامیه یی حلول مصلحانه ایله ذات و سفالته دوشورمه یی قوردیلر . دینی ، ایمانی صامعش برقاچ منافی تدارک ایدرک اسلام مجاهدلرینک فرمان رئیس سنوسی حضرتلرینک نزدینه اعزام ایتدیلر . مشار ایله حضرتلری بومدقلری کال شدتله رد ایدرک ایتالیانلرک اسلام مملکتلرندن دفع اولوب کیدنجیه قدر جهاد یولندن هیچ برزمان آریلایه جفنی بیلدیردیلر . اوکوزل مملکتلرندن آریلایه بردرلو راضی اوله میان ایتالیانلر بوکولرده تکرار برقاچ منافی تدارک ایدرک ینه مجاهدین اسلامیه نك قابوسنی چالدیلر . فقط بودفه ایچرودن اوله مددهش بر صدای شهادت یوکسلیکی که عکس مهیی بوتون جهان اسلامده طنین انداز اولدی . آرتق ایتالیانلر ایچون بوتون امیداتلاف قابولری قاپامشدر . خاسر و خائف هزار اضحلالی قازوب طور مقله مشغول اولقدن و یا دفع اولوب کیتمکدن باشقه چاره یوقدر . سید سنوسی حضرتلرینک صلح تکلیفی مقصدیله ایتالیانلر طرفندن کفن مناقله قارشی ویردیکی بو جواب حماسکارانه یی ترجمه ایدرک اخوان دینک انظار عبرت و افتخارینه وضع ایدیورلر :

بسم الله الرحمن الرحيم

هدایت الهیه به اتباع ، طریق شیطنتی ترک ایدنلره اهداء سلامدن سوکره سوزه شروع ایدیورم : ایتالیانلره میل ایتمه من ایچون اولجه کوندرمش اولدیکز نصیحت یوللی مکتوبکز بزه کلدی ، مکتوبکزده بزى ایتالیانلر طرفندن مال وعد ایدیورسکز ، اونلرک ماللریله بزى حرص و طمع دوشورمک ، اونلرک قوتیله تخویف ایتمک ، اونلرک یاننده عزت و شرفه نائل ایتمک ایستیورسکز ! ان العزة لله جميعا ... عزت و شرف هبسی جناب حقه عاڈر .

بوکی شیلر ایله بزى ، مسلمانلری آلداته بیله جککزی وعد ایتمکله - ایتالیانلر بیلمدکلری ایچون - اونلر سزه و امثالکزه پاره لر توزیع ایتدیلر ، ظن ایدیوردیکز که : بزى ، مسلمانلری حیل و خدعه ایله الداتیق سزک ایچون قولای برشی در !

جناب حقک قدرت و قوت صمدانیه سنه یین ایدرم که : - بن صاغ اولدقجه ، بلکه سنوسی اسمی موجود اولدقجه نه ایتالیاء نه ده سز بو وطنده فرج یوزی کورمه میه جک ، مسرور اولامایه جقسکز ، بو وطنک اهالیسنی پاره و سائر ایله آلداته میه جقسکز ، سزه کله رک سزدن و ایتالیان مال و سائر کی شیلر قبول ایدنلر آنجق ایکی یوزلی اولان اهل طمع

کیسه لر در ، اونلردن نه نصرت مأمول در ، نه ده منفعت . بونی سزده بیلر ، انکار ایدم سزسکز .

ایشته یه یله حرکت ایدنلر او منافقلر در که حقلرنده : آنلر ایمان ایدنلر ایله برلشدکلری وقت بز ایمان ایتدک ، بزه مؤمنز دیدیلر ، شیطانلریله ، رؤسای کفار ایله تنها قالدقلری زمانده ایسه بزه سزکله برابرز ، بز مؤمن کوروتمکله آنجق اونلره استهزا ایدیورلر ، دیدیلر . بیلسینلر که الله آنلره استهزا ایدر ، وطنیانلرنده حیرتله ایچنده پویان اولوب کیدرلر . آنلر اوکیسه لر در که هدایت بدل ضلالتی صائون آلدیلرده تجارتلری قائده ویرمدی ، کندیلری ده طریق سلامتی بولامدیلر ، مآلنده اولان : (واذلقلوا الذین آمنوا قلوا آئنا واذلقلوا الی شیاطینهم قلوا انامکم انما نحن مستهزئون . الله یستهزهم ویمدهم فی طغیانهم یعمهون ... اولئک الذین اشتروا الضلالة بالهدی فارجح تجارتهم وما کانوا مهتدین) کبی آیات کریمه فازل اولمشلر که . کائناتک الله واحدی اولوب کندندن بشقه معبود بالحق اولمیان ذات اجل و اعلا یه قسم ایدرم که : بکا دنیالر طونوسی آلتون ویرلسه ینه بن اونلری قبول ایتمه ، آچلقدن طوپراق ییه جک راده یه کلسه ینه دنیا ایچون دینی دیکشدریم ، مع مافی جناب حقه حد اولستون که : هم بی ، هم ده مصیتی اداره ایدم جک شیده مالک بولمقده ییم .

بکا بوتون دنیا ویرلسه جناب حق ورسولنی توحید ایدن مسلمک برقیانی بیله تسلیم ایتمه . هر هاتکی برخلوق اولورسه اولسون هیچ کیسه دن قورقوم یوقدر ، قدرت و قوت الله مخصوصدر . قورقوم آنجق الله دن در . فاصل که جناب حق ده بیورمشدر : « الذین قال لهم الناس ان الناس قد جموا لکم فاحشوم فزادهم ایمانا وقالوا حسبنا الله ونعم الوکیل . فاقبلوا بنعمة من الله وفضل لم یمسهم سوء واتبعوا رضوان الله والله ذو فضل عظیم . انما ذلکم الشیطان یخوف اولیائه . فلا تخافوهم و خافون ان کنتم مؤمنین . - فرقان حکیم »

ینه حق جل و علا حضرتلری بیوربور که : « قل لن یصینا الا ما کتب الله لنا هو مولانا وعلی الله فلیتوکل المؤمنون . فرقان حکیم »

عزیز مصردن بر هیئت کله رک ایتالیانلر ایله مصالحه اوله مزى طلب ایتدیلر ، تراولامتناع ایتدک . لکن برقاچ دفعه کلوب کیتدکلرندن مطلوبلرینه جواب ویردک . بز بونی ایلچینک خاطرینی تطیب ایچون یامش ایدک . برده ظن ایدیوردق که : ایتالیاء حکومتی - ولوکه اجنبی بیله اولسه - ائی بی کوتودن تمیزه قادر ، کندیلرینه نسبت اولنان خیانته راضی اولمایه جق رؤسایه مالک بردولت در . بالخاصه قبلری کندیلرینه میل خصوصتی ده ایستیورلردی .

لکن فنا عمللری اونلری تزیین ایتدیکندن شوایشده واسطه قیلدقلری کیسه لره لاحق اوله جق عاروعیبی بیله نظر دقته آلمدیلر شبهه یوق که بوده اونلرک غیباوتندن وسوء خطالرندن در . یایدقلری خیانتلر یتیمورمش کی برده صاحب رسول الله صلی الله علیه وسلم ک قبه سنه

[۱] کلهرك اونى طويل ايله هدم و تخريب ايتديلر . بك اعلا مصاحب رسول الله صلى الله عليه وسلمك قبه سنى هدم و تخريب ايتدكن صوكره بز اونلره أمين اولاييليرمى يز ؟ اصلا !

الله يمين ايدرم كه : اونلرك بوحاللى بزي كنديلرندن زياده سبيله تنفير و تبعيد ايتك . جناب حقه قارشى اولان ايمانلى بزهك حجت و غرتى ، بشقه برشى يايغور . قلمبده ايمان اولان هر فردك حجت و غرتى ، جناب رسول الله صلى الله عليه وسلمه اولان ايمانى زياده لشديكى كبي . استاذى حقتده كى عقيدده سنى ده زياده لشيور . چونكه استاذ مزرضى الله عنه شوايشلرك هيسنك وقوعى اخبار ايتمش ايدى . احتمال استاذ رضى الله عنهك : « بوقبه بيضاني هدم ايدرلر ، اوندن صوكرده حيو نلرني جامعلره باغلارلر » ديديكنى سزده يايورسكز . استاذ رضى الله عنه دن وارد اولان شو خبرلر كفاة اهل وطن بيلور . بونى انكار ايدمك برفرد يوق در .

ينه استاذ مزر اخبارى جهل سندن دركه : بو وطنده ايتاليانلر تقرر ايدميه جك در ؛ طرابلس طور اغانه (ناباطان) هر حالده آياق باصه جق ، فقط او طور ابقده طور ايميه جق ، چونكه كنديلرني بورادن چقاراجق كيمسهر ظهور ايدمك در . بونلرك هينتى مشهور شيخ محمد بلوالدرناوينك رساله سنده مذكور در .

شوراسى ده محقق دركه : شيخ واستاذ مزر هر نه ني خبر و ير مش ايسه مسلمانلر اونلر عينا مشاهده ايتمشلردر ؛ بوندن طولاني ايمانلر ، مسلمانلر ازياد ايتمش در . ناصل كه جناب حق : « لقد كان لكم في رسول الله اسوة حسنة لمن كان رجوا الله واليوم الآخر و ذكر والله كثيرا . ولما رأى المؤمنون الاحزاب قالوا هذا ما وعدنا الله ورسوله وصدق الله ورسوله وما زادهم الا ايمانا وتسليما . من المؤمنين رجال صدقوا ما عاهدوا الله عليه فمهم من قضى نحبه و منهم من ينظر و ما بدلوا شيلا . - قرآن كريم » ايشنديكمزه كوره شرف محبتله مشرف اولان ذاتك قبه سنى ، تر به سنى تكرار بنا ايتمكه بزي آلدانه بيله جكلرني ظن ايدبورلرايمش . يوق ، يوق ! الله قسم ايدرم كه : التون بنا ياپسهر ينه يايقلرني فناقلرني اونوتديره مازلر . بزي كنديلرينه ميل ايتديره مازلر ؛ چونكه اولان اولدى .

بوندن اول خديوينك هيئتي دوئمش . بزه اونلرايله برلكده محافظ و دوه جيلر كوندرمشك ؛ دوه جيلر شحانه دينلن موقعه واصل اولونجه ايتاليانلرك بيوكلى آللر حبس ايتديلر .

ايشته بونلر ايتاليانلرك بعض احوالى در . ذاتا بشقه تورلو اولاييليرمى كه : جناب حق اونلردن شو صورتله خبر و ير مكدده در : « كيف وان يظهروا عليكم لا يرقبوا فيكم الا و لا ذمة - »

اونلرك بو وطنده قصد ايتدكلى شى . ملكتلريني توسيع ايتك ايدى . بونكه برابر اونلر بو وطنه سوق ايدن شى بشقه دكل ، آنجق ملكتلرينك انحطاطى اولمش در ؛ اكر بوحاربده ضايع ايتدكلى

[۱] صحابه كرامدن درنده مدفون سيدى رافع حضرتلرينك تر به سنى .

ماللر ، غائب ايتدكلى نفوسى حساب ايتسهر يقينا بيليرلركه : بوحاربه اونلرك انحطاط وزوالنى ترسيد ايتمكدن بشقه برشى دكل در . قدرت وقوت آليه ايله بك يقين بر آنيده اونلرك دولتى اك اوافق بر دولته تنزل ايدمك در ؛ بز ايسه جناب حقت قوت و نصرتيله اونلر ذليل و حقير بر صورتله وطنمزدن چيقارنجيه قدر مدافعه ده دوام ايدمكز . زم عندمزه اولمكه يشامق مساويدر ؛ بزنه دنيا ايتيورز ، نه ملك ايتيورز . بزدنمزي ، شريعتمزي مدافعه ايدمكز ؛ مسلمانلر حرك اون سنه ، بكرمى سنه اوزاديفنى بيليرلر . مسلمانلر نفسلريني الله فدا ايتمشلردر : « ان الله اشترى من المؤمنين انفسهم و اموالهم بان لهم الجنة يقاتلون في سبيل الله فيقتلون و يقتلون و عدا عليه حقاني التوراة و الانجيل و الفرقان و من اوفى بعهده من الله فاستبشروا ببيعكم الذي بايعتم به و ذلك هو الفوز العظيم . - قرآن حكيم »

بزم نه دنيايه ، نه ده بشقه برشيته طمعمز يوق در ؛ چونكه جناب بيغمبر صلى الله عليه وسلم : « جعل رزقي تحت نهل رحى و الذل و الضمار على من خالف امرى الجنة تحت ظلال السيوف » . بيورمش در . جناب حق ده : « يستبشرون بنعمة من الله و فضل و ان الله لا يضيع أجر المؤمنين . الذين استجابوا لله و الرسول من بعدما اصابهم القرع للذين احسنوا منهم و اتقوا اجر عظيم » . بيورمش در .

سزديورسكزكه : ايتاليا ، عدل و مرحمت صاحبي بردولت در . حقا كه ايتاليا عادل بردولت در (!) هتك حرمت ايدور ، اولرمزه كيرمك قادينلرمزه ، چو جقلرمزه هر شيئى ياييور . عظمت آليه به قسم ايدرم كه : ايتاليانك ارتكاب ايتمش اولديني افعال قبيحه ني اجنبى دولتلرندن هيچ بردولته ايشتمك .

ديورسكزكه : ايتاليا دولتى زوايايه احترام اولمىنى توصيه ايدور . نه قدر طوغرو (!) مسجدلر حيو انلره آخور ياقق صورتيله فوق العاده بر احترام كوستريور مع مافيه بزنه زوايا ايتيرز ، نه ده احترام ، زم بونلرك هيچ برينه احتياجز يوق در .

سز ، حقيقت حالى بزه توضيح ايتديككزي سويله مشديكز . خير ، خير ؛ يلان سويليورسكز : حقيقت بودكل در ؛ بونلرك هيسندن صوكره سز يارين حضور رب العالمينده وقوع بولاچق سؤاله جواب حاضرلايكز ؛ چونكه سز دينكزي دنيايه ديكشديكز . سزديورديكزكه : اونلر بزدن آيلوبده يانلرينه واران اخوانه اكرام ايتديلر . فقط شوراسنى بيليكزكه اكرام اولومان كيمسهر يوقى ؟ اونلر اخوان دكل ، خوان در ، خاشلردر .

اونلر خائن دين ، خائن وطن درلر ؛ اونلر دنيايه طمعكار كيمسه لر در . هر كيم بوصفتده اولورسه او كيمسه ذليل و طمعكار در . ذليل و طمعكار اولان كيمسهن ايسه قطعا خير مأمول دكل در . اونلردن نه اسلام ، نه ده بشقه سنك مصلحتي نامنه نصرت مأمول دكل در . كوچك ياشندنبري اينچنده تربيه اولونديفنى دينه خيانتك ايدن كيمسهن مصلحت مأمول اولورمى ؟ حال بوكه سز هم دينكزه ، همده سنه لر دينرى اموالنى

یذیککز دولته خیانتک ایتدیکز ! احوالده ناصل اولورده بشقه ر دولت ایچون نصیحت ایدیورسکز ؟ ! کندی دینه ، کندی دولته قارشى خان اولان کیمسه نك بشقه دولت ایچون ناصح اولمى ممکن می؟ نه حاجت ، علم الهی ازلیده عبادی بر جوق شیر ايله امتحان وابتلا ایدمچکی سبق ایتشدرد : « ولقد فتننا الذين من قبلهم فليعلمن الله الذين صدقوا و ليعلمن الكاذبين . و لنبلونکم حتى نعلم المجاهدين منکم والصابرين و نبلو اخبارکم . ما کان الله ليجذر المؤمنین علی ما اتم علیه حتی یبزالحیث من الطیب . . احسب الناس ان یترکوا ان یقولوا آمنا و هم لا یفتنون ... لیبلونکم ایکم احسن عملا . » بوآیت کریمه لردن مستبان اولیورکه حقیقی بر مسلمان اولایلمک ایچون دین اوغورنده تصادف ایدیلن هر تورلو محن و مشقته کوکس کر مک لازم در .

جناب حَقِّ قوللری بوسورتله امتحان و تجربه ایتسی یک قدیم وبتون ام واقوامده جاری اولان برسنه آیهده در . ناصل که جناب حق بوکا شوآیت کریمه ايله اشارت ایتشدرد : « و کأین من بی قاتل معه رینون کثیر فما وهنوا لما اصابهم فی سبیل الله و ما ضعفوا و ما استکانوا و الله یحب الصابین . »

نه فکرده اولدیغمزی سزه بیسان ایتهمزری طلب ایتدیکز ! محقق اولارق بیلکیزکه بز آنحق سزکله وایتالیانلر ايله مقاتله ایتمکدن بشقه برشی دوشونموروز . سزکندیکزی مسلمان ، الله ورسوله ایمان ایدن بر مؤمن زعم ایدیورسکز . یوق . . الله قسم ایدرم که : سزته مسلمان نسکز ، نه مؤمنسکز ، سزبونلرک هیچ برندن دکلسکز !

بزه قارشى سوبله دیککز شونصیحت اکر سزه نازل اولمش یکی بر شریعت ایسه اوندن بزیده خبردار ایدیکز ! زم شریعت مطهره مزه کلنجه : الله قسم ایدرم که ، اونده سزک ذکر ایتدیککز شیئی تجویز ایدمچک برشی یوق در . شیخ و استاذمز رضی الله عنه بیوردی که : « بر خصوصه صده سکا منکر ، یاخود مجادل اولارق برکیمسه کلیرسه اوندن کتاب وستندن بر دلیل ایسته ، اکر دعواسنی مثبت کتاب وستندن بر دلیل کتیره مز ایسه اونک سوزی کندینه زد اولنور . »

ابی ان من الرجال هیمه . . فی صورة الرجل السميع المبصر .
فطن بكل مصیبة فی ماله . . فاذا اصاب بدینه لم یشر .

(اولادجغ ، کورور ، ایشیدیرانسان صورتنده نیجه حیوانلر وارکه :
مالنه اصابت ایدن مصیبتک هپسی اکلارده دینه اصابت ایدن مصائبک
فرقه بيله وارماز .)

شریعت مطهره ، سزک بوکی سوزلرکزی سفاهت تلقی ایدر ،
« الوثنریسی » دیورکه : کفارک قوتلی ، محارب ، عدلری کثیر
اولدینی زمان شریعت لرنده اولان عهدی وفا ایتلری اوزرینه اعتماد
ایدوبده بونلرک دیدکارینه قانع اولورمی ؟ بز اونلرک بزه نسبتله
اولان شهادتلیری بيله قبول ایتیموروز ، احوالده ناصل اولورده اونلرک
عهده وقایه اولان زعملرینه اعتماد ایدوروز . عهدک مراتبی شهادت در ،
اونلرک یکدیگرلرینه قارشى اولان شهادتلیری قبول ایتزسه ناصل

اولورده مسلمانلر علمینه اولان شهادتلیری قبول ایدرز ، اونلرک زعمنه ،
وعدلرینه اعتماد ایدرز ؟ ! شبهه یوق که بو ، اجماعی ، کتابی ، سنتی
طایمق در . جناب حق کفارک مؤمنینه قارشى اولان دشمنلرک
دوام ایدمچکنی ، وهیچ بروقت بوندن واز کیمه جهکلیری شوآیت
کریمه ايله خبر ویرمکده در : « ولا یزالون یقاتلونکم حتی یردوکم عن
دینکم ان استطاعوا = اونلر لرندن کلسه سزی دینکزدن دوندورنجهیه
قدر سزکله حرب وجدالده دوام ایدمچکلردر . »

دین دشمنی ، ارض اسلامه کیر ، یاخود اورایه کیرمک
قصیدیه حدوده یقین بر موقعه قونارسه او مملکتک کنج ، اختیار ، حر ،
کوله ، زنکین فقیر بتون اهالیسی و پادشاهی اوزرینه جهاد فرض
عین در ؛ حتی مقتدر اولورلر ایسه قادینلره بيله ! . . آرتیق ایش
بودرجهیه کلیرسه بونلرایله محاربه ایتک ایچون پادشاه ايله مشورت واوندن
استیذانه بيله لزوم قالماز ، خصوصیه پادشاه او مملکته اوزاق اولورسه !
حتی کندیلری ایچون امام اولماسه بيله همان برامام تعیین ایدرک مدافعهیه
باشلاملری واجبدر . اکر او مملکت اهالیسی اماملری ايله برابر دشمنه
قارشى مقاومتیه قادر اولامازلر ایسه اونلره اک یقین اولان ائمه نك
رعیه بيله برابر معاونتده بولونمى فرضدر . اکر اونلرده کافی کلز ،
مقاومتیه قادر اولامازلر ایسه آرتیق شرق وغریبه بولونان بتون
مسلمانلرک اونلره کرک عسکر کوندرمک و کرک صورسائر ايله معاونتده
بولونملری واجب اولور . بربلده اهالیسی معاونتدن استنکاف ایدرسه ،
دیگر بلده اهالیسنک معاونتده بولونملری فرضدر .

ابن جزى قانوننده دیورکه : جهاد بر جوق شی دن طولانی فرض
اولور : بر نحیسی امامک امریله اولور ، امام کیکی تعیین ایدرسه اونک
جهاده چیقمى واجبدر . ایکنجیمى ده دشمنک بلاد مسلمینه فجأة هجوم
ایتمسيله در : اکر دشمن فجأة بلاد مسلمینه هجوم ایدرسه اوراده اولان
مسلمانلر اوزرینه اونی دفع ایتک واجبدر ، اکر بوکا امتثال ایتزلر ایسه
اونلره یقین اولانلره لازمکلر ، اکر هپسی ده امتثال ایتزلر ایسه
اوزمان دشمن دفع اولوب کیدنجهیه قدر جهاد ایتک بتون مسلمانلر
اوزرینه واجب اولور .

امام ابو عمر بن عبدالبر دیورکه : دشمن ، اهالیسیله محاربه ایتک
اوزره داراسلامه حلول ایدرسه کنج ، اختیار او مملکت اهالیسنک
هپسی اوزرینه دشمنه قارشى چیقمى واجبدر ؛ کرک بالفعل مقاتلهیه ، کرک
جماعت مسلمینی فضله کوسترمه به قدرتی اولانلردن ، اونلره قارشى چیقمايه
قدرتی اولانلرک هپسی ده کیرر هیچ بر فرد مخالفت ایتز ، اکر او مملکت
اهالیسی دشمنلرینه قارشى طور مقدر عاجز اولورلرسه اورایه لزومی قدر چیقوب
معاونتده بولنق حوار مملکت اهالیسی اوزرینه واجبدر . کذلک دشمن قارشى
بولنان مسلمانلرک ضعفنه وائف اولوب ، اونلره یاردم ایتک کندیسى
ایچون دائرة امکانه اولان کیمسه نك ده دشمنه قارشى چیقمى لازمدر .
خلاصه : مسلمانلرک هپسی کندیلرندن غیریسی اوزرینه قیام ایتک
خصوصنده یدواحد کی در ، برأل کی در . اکر دشمن داراسلامه

ایدن 1' afrique Francaise مجموعه علمیه سنه اوزون و مفصل بر مقاله ایله نشر ایتشددرکه معلومات واسعه بی جامع اولدیفندن ، بروجه آتی عیناً ترجمه ایدیورز :

« انسان یکی و کورمدیکی اولنکلی ، اقلیمی کزنجی اسلامیتله مسلمانلر حقیقده نقطه نظری دیکشیر ، اولجه مسائل اسلامیه خصوصنده قازاندینی معلومانک پک قیسه ، مهم نقصان اولدیفنی اوکره نیر . بز خرستیانلرک ، اعتراف ایدرمکه ، بوآنه قدر اسلامیتله دائر اجرا ایتدیکنم تبعات هپ خیالی شیلردن عبارتدره ، اسلامیتک حقایقه ، کنهنه بردرلو نفوذ نظر ایدمه مشیز . بونک سبی ، صرف مخیله مزده کوجوکلکدن بری حس و تلقینات نتیجه سی اوله رق طاشیدیفمن واهی و خلاف حقیقت فکردرکه ، او طویغول دایما بز حقیقتدن ، حقیقی کورمکدن اوزافلاشدرمشدر .

شونی دیمک ایسترمکه ، عالم مسیحیت ، اسلامیتی هرآن وزمانده کندنی نقطه نظرندن محاکمه ایتدیکی جهته یا کیلش و خطادن خطایه ، کریویه دن کریویه دوشمشدر .

اسلامیت واسع و اساساتی محکم و متین بر دین اولدینی حالد ، بوآنه قدر بالجه خرستیان مؤلفلر ، آتی پک کوجوک و هر مزایادن عاری بر دین اولنی اوزره طانتدیرمه غیرت ایدرمکه ، هم کندنی وجدانلرخی ایاق آلتنه آملشر ، همده بیلیونلرجه قارلرخی راه ناصوابه سوق ایتلشدرکه ، بوندن بویوک فنانی تصور ایتیمورم .

« اسلامیتی بیطرفانه تشع ایدن هیچ بر مسیحی به شمدی به قدر تصادف ایتدم . دیسم رواددر . چونکه مسلمانلق حقیقده بیکرجه اثر او قویوب ، مؤلف و مؤثرلرله قارشو دایما عمیق قلبده تعریف قبول ایتز درجه ده حس حرمت و تنظیم بسله دیکم حالد ، فریقاده مشهودات و تبعات اخیراً بالجه جسیات سابقه می ابطاله نالفاً ماباغ سبیت و برش و اوورویا محررلرک اسلامیتله دائر نشر ایلش اولدقلری آثاره قارشو بکا بدینانه بر فکر بخش ایتشددر .

متادیا معاشرت و مشهودات نتیجه سنده ، اسلامیتله دائر بر جوق آثار نادره و مخله وجوده کتیرن اوورویا مصنفلرک هپ کندنی هوا و هوسلرینه تابع اوله رق ، طرفکیرانه یازی یازدقلرخی و هویت اصلیه لرله شخصیت معنویه لرندن یازی یازارکن بردرلو تجرد ایدمه مدکلرخی اوکرندم .

بوابده ، اوکی محررلری طبیعتیه معذور کورورم . چونکه ایام صباوتدن برو ، هر راست کلدکلری کیمسندن ، آما و بابالردن ، بیلکلردن - ظن ایدرمکه - مسلمانلرله ، مسلمانلق حقیقده ای برسوز ، بی طرفانه بر ستایش - ولوکه آز اولسون - ایشیتمدکلری ، طویقدقلری جهته حسیاتلری بدینانه بر صورتده برورشیاپ اولدقدندن صوکره ، اسلامیتک علویت و حقایقی هر نسله کورمه مشلر و یاخود کورمک ایسته مه مشلدرکه ، میدان قویقدقلری آثارک هیچ برندن حقیقت قوقوسی دو بوله یور .

بالاده کی مطالعاتی دینداش و مسلکداشلم اولان متبع و محررلر حقیقده بویله جه قید ایتدکن صوکره ، او حالد نعل اولشده ، یالکز بن بوحق و حقیقی اعتراف ایتنم ؟ دیه بر - مؤال وارد اولیورکه ، فکرخی برسلسله معلومه به سوق و تعقیب ایچون مذکور مؤالک جوابته شویله جه مبادرت ایلرم :

« بن ، دایما اسلامیتی مدهش بر قوت تصور ایدرمکه ، پیروانی خرستیانلرله دشمن جان و مال تلقی ایدر طوروردم . فقط بودیانک باطل و ناحق بر دین اولدیفنی تصور ایتدکن چکینیردم . بویچکینه نک علی ایسه ، بر یوزنده کی یوزلرجه ملیون نفوسک دیانت اسلامیه به تابع اوللری کیفیتی ایدی که ، اسلامیتک قویم برمنهاج اولدیفنی بیلمه نلر بالطبع آکا اتباع ایتزلدی ، قضیه سی مفکره مده کزدیرردم . بیلدرک برکشی ، یوزکشی ، بییک کشی - اوده برمدت معینه و محدوده ایچون ، حقیقته واقف اولنجه به قدر - راه خطایی التزام ایدمه بیلجکلرخی و فقط بیک اوچ یوز سنه ک مدید و عصرلری محتوی بر زمان ایچون میلیونلرجه خاقلک واهی و طاعل بر دین و مساک بشنه قوشمه به جقلرخی ، بوایه امکان خارچنده اولدیفنی کندنی کندیه قیاس ایدرم .

یا قلاشوبده ایچروه کیرمه یینه دشمنه قارشو چیقماق مسلمانلره لازمدر . ابن بشیر دیورکه : دشمندن بر قوم دیار اسلامیه دن برینه کلیر ، او مسلمانلرده دشمنی مدافعه ایدمه چک بر قوت اولورسه او مسلمانلر اوزرینه مدافعه واجب اولور ، اگر اونلر عاجز اولورلرسه ، کندیلرینه یاقین اولانلرک یاردم ایتمی واجبدر ، مصالحیه کلنجه : بوقطعیا جائز دکلدر . « معیار » ده دیورکه : دشمن ، مملکتده ایکن صلح جائز دکلدر . اگر واقع اولش ایسه صلحی نقض ایتک واجبدر ، چونکه دشمن مملکت اسلامیه ایتز ، یاخود انجمنه سی یا قلاشیرسه اونلر ایله جهاد ایتک تعین ایتش دیمکدر ، متعین اولان جهادی ترک ایتک ایسه ممنوعدر ، بناءً علیه صلح مذکور ممنوعدر . چونکه صلح مذکورک مصلحتی دشمن - الله محو و هلاک ایلسون - ، مفسدتی ده مسلمان اوزرینه عودتدر .

بناءً علیه صلح مذکور دشمن ایچون مصلحت ، مسلمانلر اوزرینه مفسدت اولونجه او صلح ایچون نفس الامرده حکم یوقدر ، اونی نقض واجبدر . چونکه بوصلح ، مقتضای شرع محکم دکلدر . احوال شریعتی تحقیق ایدنلره کوره بوصلحک حکمی لازم دکلدر .

مسلمان مملکتته تجاوز ایدرک اونلری طلب ایدن دشمن ایله مصالحیه کیریشمک ناصل صحیح اولورکه ، جناب حق : « کیف یكون للشركين عهد عند الله وعند رسوله ... » بیور یور . بوراده کی استفهام انکار و استبعاد معناسنه بر استفهامدر . اونلر ایچون عهد یوقدرکه اونی نقض ایتسونلر ! مع مافیه قبلری حقدایله غلیاندهدر .

صوکره جناب حق بیور یورکه : « کیف وان يظهر وا عليكم لا يرقبوا فيكم الا و لا ذمه . »

ایشته بوآیت کریملر کوستر یورکه : کفار قطعیا عهده وفا ایتزلر ، اونلر ایچون عهد و میثاق هیچدر . یوقاریدن بری ویرمش اولدیفمنز ابضاحات ، کندیلرنده اذعان اولالره کافیدر . مقصد من اکلایشلشدر . بز ، بی اکرمنک لسانیه جناب حق طرفندن مأمور اولدیفمنز شیئه مطیع و منقاد اولان صابرین دیز ، کیجه و کوندوز فضل الهیده کز یورز . جناب حقک دین قویم اسلامی اقامه و محافظه ایتک کی بزه خوش کورمش اولدینی بر خدتمه راضی ز . ایسته دیکمز برشی وار ایسه اوده بی مختاری حضرت محمد صلی الله علیه وسلم واسطه سیله بزه وعد ایتش اولدینی نصرت و رحمت الهیه سیدر . و هو حسبنا و نعم الوکیل نعم المولی و نعم النصیر .

الواح انتباه

مسلمانلرک موقعی

بی طرفانه بر شهادت مستشرقیندن موسیو (قلوزل) اوچ سنه متادیا - صحاری مستننا اولدینی حالد - افریقایی طولاشمش و بوتون خصوصاتی کمال دقله یاقیندن تعقیب ایتدکن صکره مشهوداتی ، تبعاتی اخیراً پارسده انتشار